

畿輔通志卷八十一

略三十六 河道七 水道七 南運河 黃河

南運河第九 卽衛河合漳汶流入 畿輔者臨清以南不載

百門泉 三渡河 蓮花泉 卓水陂 萬泉

以上五水衛河自受

清水 吳澤陂 皇母泉 馬鳴泉 王烈泉 昭鳥泉

巧婦泉 小丹河 白馬湖 金鎗泉 狗跑泉 七賢

泉 峪河 雁翅陂 平田水 天門山水 三仙潭

丁公泉 卓河泉 焦泉 金沙泉 銀沙泉

以上二十二水皆清河所受匯入衛河者

蒼河 沁水故津 斡脰河

以上三水衛河自受

淇水 淅水 三壅水 小石河 思德河 白祀河

同山陂 長豐泊 波羅河 宿胥故瀆 國水

以上十一水皆淇水所受匯入衛河者

湯河 羨水 防水 靈泉水 孟家潭 長沙溝 永

通河

以上七水皆湯河所受匯入衛河者

洹水 陵湯河 葦泉水 雙泉水 史家河 武平水

萬金渠

以上七水皆洹水所受匯入衛河者自清水至此皆在

山西境內以下入直隸界

長興溝 樓底溝 新衛河 劉固溝 硝河 馬頰河

岳儒固河 廣福溝 行善溝

以上九水衛河自受

清漳 石公泉 萬水泉 海眼泉 溫泉 清河 梁

榆水 轅陽水 洗耳泉 龍潭水 千畝泉 濁漳水

靈湫水 堯水 梁水 陶水 淘金河 八諫水

黎水 石子河 故城水 藍水 絳水 八泉 高麗

水 蒲谷水 三巘水 雞鳴水 疑水 馬跑泉 潞

水 銅鞮水 小河水 后泉水 甘羅水 臨水 史

水 黃須水 涅水 甲水 武鄉水 儀川水 西川

水 禪隱山道人泉 青石河 黎城東河 西河 南

河 倉谷水 吳家河 磁州漳決合滏故道 蒲潭營

漳河分支 故魏城漳河分支 三里引河故渠

以上五十四水皆漳河於山西分受由河南流逕直隸

至山東匯入衛河者

通會河

開河總名

汶河

開河北半之名

此二水衛河所會以下始名南運河

四女寺減河

哨馬營減河

捷地減河

石碑河

宣

惠河

燕子窠

劉公渠

明白窪

無棣溝

母豬港

大溝窪

長港

漂榆津

興濟減河

盤古溝

古

漳溝故瀆

張甲河故瀆

屯氏河

靳官屯新減河

興農鎮營田渠

以上二十水皆南運河所受與分逕者

通計南運河除臨清以南不載外凡在山西河南山東直

隸共受有名之水一百四十

此卷不載臨清以南諸水以記一汶水已足舉其大

槩且在山東境內又非漳衛支流故當從略

南運河水道

南運河卽衛河

以源于衛故名

舊合清沁淇蕩洹濁漳清漳濟汶沂

洙泗而合流以濟運者也水經於諸水皆各分載爲十二篇以清沁清漳等七水相連次而濟汶等五水又別爲次蓋猶行古之道以濟合汶水而洙泗合沂皆入淮耳自元開會通河而濟之故迹湮沒于漕瀆至明初用白老人計於南旺分水由是汶沂皆北通於漳衛及陳瑄鑿清江浦遂直達於淮泗矣此則本不相通而人力爲之疏導者也若沁水原入河

者自隋開永濟渠引沁水北通涿郡

按杜佑通典于魏縣云有白溝水煬帝引通濟

渠亦名御河此乃誤筆據河南通志通濟渠在開封府西南二里隋煬帝所鑿以引汴水從城西中牟縣開琵琶溝而入本秦漢運路後廢是通濟渠乃汴水在大河之南開封境內與此永濟渠爲御河在河北衛輝境內者迥別故知通濟爲

永濟之訛也又河南通志河防引宋史河決商胡合永清渠所云永清當亦永濟之訛元明以來亦有

引沁入衛以助漕運之事然沁水濁而善淤悍而善決若引

入衛有害無利故復植隄建壩以塞之此則昔雖開通而今

又爲之堵截者也溯衛河濟運之功在至臨清州會汶河後

是臨清以南閘河所分諸水只歸汶河併受可勿庸遠窮其

支派且此之南運河特就直隸境內而言如黃宗羲今水經

所云南運河乃自杭州至鎮江北運河乃自儀真至淮安俱

就一方爲限

按今水經乃通載天下之水而其所記南運河自杭至鎮才七百餘里自江至淮才三百餘里

遂據以分南北未免囿小此只可於江浙本省言之不能賅

天下也若統天下而論宜從行水金鑑自江浙至京都通

稱運河爲是故今只詳衛河而山東臨清以南之運河卽會通河所受汶濟

諸水可從略也謹按衛河卽漢之白溝魏志建安九年遏淇水

入白溝以通糧道卽此亦曰宿胥瀆水經注云淇水又合宿

胥故瀆立石堰遏水今更東北注魏武開白溝因宿胥故瀆

而加其功也隋導爲永濟渠亦曰御河其源出河南輝縣卽漢

共縣古共城西北蘇門山之麓山距城七里泉通百道名百門泉

和故國也泉距城五里詩所謂瑟彼泉水卽指此魏書地形志作百門水水

經注清水篇作北門陂方輿紀要河防一覽俱謂之捌刀泉

匯而南流有支津右出爲三渡河三渡河在衛河西引百泉水南流十五里至雲門鎮

溉田與雙溪橋蓮花泉水入之泉在縣西五里突出於地一流縈迴連接

此東南入衛按宋史河渠志程昉言得共縣舊河槽若疏入三渡河可溉西洗稻田今查三渡河側惟蓮花泉轉相通

注其卽昉言舊河槽歟再按安瀾志謂從古黃河未有至輝縣者以此舊河槽爲疑據唐書開元十四年河決衛州宋史

乾德五年河溢入衛州城今衛輝府西至衛縣界不及三十里府城被滄輝縣能無水耶又太平興國三年河決獲嘉北

注夫獲嘉之北卽輝縣尤河至輝縣明證也昉所言舊河槽應指此又南入新鄉縣界合河鎮

西北鎮在縣西北有侯家橋有卓水陂萬泉自西北來入之

水經注重門城南有安陽陂次東又得卓水陂次東有北門
陂今按卓水泉一名筠溪源出輝縣城西十里逕雲門流經
新鄉縣至合河鎮西北入衛其西二里有萬泉南流入衛自
百泉至新鄉界舊有民建閘五座從北而南計之曰仁義禮
智又有清水合小丹水自西來注之

清水源於輝縣西南七十里山陽鎮以古今地輿考之蓋

卽水經注之長泉水也道元曰長泉水源出白鹿山在輝縣西

五十里東南伏流十三里重源濬發于鄧城西北按鄧城故址在輝縣

西南六十餘里卽在山陽鎮偏北原同一地亦謂之重泉水觀其形勢正今清

水之所出卽所云七賢丁公等泉亦皆符合惟今清水入

獲嘉縣北界又分爲二股一東流至合河村入衛一西流

入三橋陂卽吳澤陂在獲嘉縣西南十三里復逆流入清水而酈注于重

泉水不言有歧流蓋後人所改導不盡與古同也然酈注

固云山陽縣故城在今修武縣西北三十五里東北二十五里有陸真

阜即今陸真山在修武縣北二十五里南有皇母馬鳴二泉按太行山寰宇記一名皇母亦

名女媧是則皇母之名仍原于太行也泉在修武縣北十五里其馬鳴泉在縣東北與王烈昭鳥巧婦五里等泉相

次而東南合注於吳陂即今三橋陂次陸真阜之東北得覆釜

堆在修武縣北魏書地堆南有三泉相去四五里參差次形志作覆釜山一也

合此三泉當即王烈昭鳥等泉南注於陂此實後人分流之邈考唐大

中間杜令曾開新河自陸真山下合皇母泉南流入吳澤

陂明管河同知張崇謙又牒稱修武縣西北有清水河一

道經流獲嘉縣北六里至新鄉縣西北侯家橋即合入衛河鎮

河總觀數說可知變更皆由漸而開杜令因皇母注陂之

舊而導新河崇謙復因新河而導至新鄉入衛皆遷流所

必至者今按清水自山陽鎮東南流入獲嘉縣界今獲嘉縣漢修

武縣地若漢獲嘉縣則今新鄉地界合吳澤陂皇母泉諸水已詳見上又東有小

丹河自西來入之

小丹河卽預河

明一統志預河在修武縣南五里積潦而成本以行漚水者自萬曆四十八年

毛一鷺分丹水支渠通預一名蔣水乃由大丹河而分河以濟運始名爲小丹河

支故稱小馬大丹河卽水經注長明溝古原東會於陂

泉今則迤南而入於沁其東出者別爲小丹河蓋丹水

自太行圪坦坡南注而下中間分渠十有八道至張店

而總流抵劉村而合沁此小丹河乃分渠內東流第二

道也

除此第二道爲小丹河槽東岸有九渠曰上秦渠三郭渠董下渠白沽渠張濟渠老武渠太保渠張

金渠陳添渠西岸有入渠曰郭魯渠流澇渠花園渠由上清渠下清渠中泗渠貝澗渠廣濟渠共十七渠

清化鎮

鎮在河內縣東北四十里

而南流有白馬湖水入之

卽水經注朱管

陂一統志白馬湖在懷慶府東北二十里其水流入小丹河

又有金鎗狗跑等泉入

之此當卽寒泉水支流一統志泉在河內縣東北水經注寒泉水出雍城西北東南流注長明溝者也又

東逕修武縣城南是名蔣河又東北入獲嘉縣西北界

合於清水河

清水又曲折東流則有七賢泉自西北來入之

七賢泉一名竹林泉

源出輝縣山陽莊卽水經注所謂竹林七賢山陽舊居者也東南流至獲嘉縣合清水下入三橋陂又有峪

河合平田及天門山諸泉自西北而來會

峪河者匯山峪諸水而成故名或亦作預河則音譌也

預河乃小丹河已見上與此別

河南通志峪河在輝縣西南五十里源

發太行山麓南流逕雁翅陂

在輝縣侯趙川西

有平田水入之

水在陵川縣東南九十里源出孤峯山下流入河南輝縣界合峪河統志以爲注衛水蓋以下流相合故通稱

耳

又東南有天門山

一作石門山在輝縣西北五十里

諸泉以次而入

其著名者若三仙潭

在輝縣西五十里天門山中自山西陵川縣南流經平田河初匯爲

一潭曰黑龍繼注壑谷匯爲巨潭曰白龍又南流四五里至峪河口鍾一小潭曰二女下入於峪河丁公

泉

在輝縣西五十里又有卓河泉在輝縣西北二泉皆東過蘭橋合峪河而入衛

焦泉

水經注泉發於

天門之左南流成溪次東得魚鮑泉次東得張波泉次東得三淵泉是四川在重門城西並單川南注也今按魚鮑等三泉不知所在惟焦泉發於天門山左在丁公泉東下流入衛水落則伏 金沙泉 在焦山左在丁公泉東下流入衛水落則伏 有金沙銀沙二泉源於輝縣胡村四社交匯為池奔此流里許伏流入地其脈實息於天門而通於峪衛也 外不能悉數也又東南逕峪河鎮合清水

清水又東至岔河尖

即合河鎮

與北來之百泉卓水合流交匯

始名曰衛河

衛河乃東流至槐營村凡行輝縣境內二十五里有奇接入

新鄉縣界即水經注之新樂城所謂汲之新中鄉也逕賈橋

隄

在新鄉西北前代修築以防沁衛水患

出城北民樂橋下迤而東北凡行新

鄉縣界九十二里接入汲縣界逕曲里寸堯衛輝府治西北

有蒼河自北來入之

蒼河

俗作滄河水經注作倉水出倉峪東南源於府城西流潛行地下又東南復出俗謂之電水

北四十里蒼峪山

一名蒼山縣志云出府西北百里地名管家井

河出其間曰蒼

峪口元王暉詩萬山忽斷兩崖開中有蒼河自北來卽此

東南潛入地中又前復出至道元村入衛河

按河南通志稱入清水或

以上流渾言之耳其實清水於獲嘉境內已入衛河不能獨行至汲縣也

衛河又東得沁水決入之故津焉

沁水故津據水部備考其決出支渠自武陟小源村東北

引流由紅荊口至衛輝府凡六十里入衛河昔隋煬帝引

沁水北通涿郡蓋卽此地

衛河又東流至雙鷺頭凡行汲縣境內一百四十五里接入

濬縣界至西沿村有靳脛河自淇縣來流入之

靳脛河卽詩所云肥泉水經注謂之泉源水寰宇記又名

陽河紂斡朝涉之脛處也方輿紀要一名太和泉

按此乃因俗刻

水經注於淇水又東右合泉源水訛作太和泉源水故有太和之名不知古本並無太和字也

源出淇縣

西北五里

一統志作三里看河紀程作五里

東南流入濬縣界至西沿村

入衛河長三十里

按安瀾志叙衛河受水之序乃次斡脛河於淇水之後夫斡脛在淇縣之西於

西沿村入衛淇水逕淇縣之東於宿胥口入衛其顛倒失次明矣

衛河又屈曲東流至淇門

即宿胥口

則淇水自西北合漸壅小河

白祀長豐諸水匯流而來會

淇水大於衛水本入於河川瀆異同曰後漢建安九年曹

操於淇水口下大枋木遏之不使入河令轉而東北流以

便漕運而衛河乃埒淇水而東注及隋大業四年又引白

溝爲永濟渠號曰御河自是衛河遂專御河之名

按舊志疑衛河

御河有二非是

而淇水之名反揜今按淇水之源漢志以爲出共

北山淮南地形訓曰淇水大號水經注同山海經云沮洳

之山淇水所出地形志又云王莽嶺源河流爲淇數說似

異而實同蓋大號沮洳皆今淇山之舊名共山則淇水所

逕支阜王莽嶺源河則峪河入衛以合淇故云東流爲淇

耳今淇水出淇山

山在輝縣西北其東北距城九里卽共山

東南流至林縣南

四十里有浙水自西來入之

一作析水山西通志析水自壺關縣東南流經陵川縣境

距城東北四十里又東入河南林縣界統志曰浙水在林

縣南三十里自山西陵川縣流入縣界俗稱三陽河又東

南入于淇按七省漕程方輿紀要皆以浙水爲合於洹而一統志及新本石印輿圖則皆謂入於淇也

又東

至淇陽城

淇陽故城南林縣南七十二里俗呼郎子城

有三壅水亦自西入之

一統志作三擁水

山西通志壅水出壺關縣東南九十里三壅山東南流入河南林縣界統志曰在縣西南三十里

東流至淇陽城西北入淇

又東有小石河會思德河合流來入之

小石河古美溝水也酈注美溝水出朝歌西北大嶺下

東出逕駱駝谷于中逶迤九十曲故俗有美溝之日厯

十二嶠東逕朝歌城北又東南流注馬溝水又東南注

淇水按朝歌故城在淇縣東北元和志在衛縣西二十

二里而衛縣故城則在濬縣西南五十里卽今衛縣集

是也其朝歌故城亦卽今淇縣北之關西社是也淇縣

志曰小石河源出縣西北三十里

按縣志未言何地查淇縣西北三十里有

靈山疑卽道元之所謂大嶺靈與嶺聲相近也其麓有黑龍潭疑卽小石河源或伏流而中斷也靈山之東接

浮山距淇縣北亦三十里未識所謂駱駝谷十二嶠者當今何山

東流 酈注東逕朝歌城北卽逕淇縣

關西社北也

與思德河合

名勝志思德河源出武公廟前東流逕思德鋪入淇水乃先與小石

河合而後

又東入于淇此思德河亦卽古之馬溝水也

淇水又屈曲東南流逕同山白祀之西得長豐泊匯二陂

之故蹟焉

長豐泊濬縣志曰卽白祀同山二陂所匯明嘉靖中疏

濬南起交卸村北抵屯子鎮延袤九十餘里按水經注

菀水五穴口今惟通并爲二水一水西注淇水謂之天

井溝一水逕土軍東分爲蓼溝東入白祀陂又南分東

入同山陂又東南入淇今長豐泊在濬縣西二十里同

山一作童山在縣西南三十里白祀山在縣西二十里同山

之西麓又有波羅河亦達於長豐泊者一統志波羅河出童山西麓南

流至龍口峽伏流地中值潦溢則匯于長豐泊亦名潦河今多淤涸

淇水又南流至淇門是爲宿胥口合於衛河

謹按漢書地理志河內郡共縣今衛輝府輝縣北山淇水所出

東至黎陽今濬縣入河又隆慮縣今彰德府林縣國水東北至信

成今廣平府清河縣入張甲河張甲河故道卽古彰河由棗強武邑至景州東光合王莽河之